

GERTAKARIAK. Atzo iluntzean biltzar jendetsua egin zuten, bizilagunek, ostalariek eta merkatariek deituta

Iruñeko Alde Zaharra berpizteko neurriak eskatu dituzte bizilagunek

Herenegun zendu zen bertako Aldapa tabernan labanaz zauritutako tabernaria

Alberto Barandiaran | IRUÑEA

Iruñeko Alde Zaharreko Navarrerria auzoa berpizteko neurriak eskatu dituzte inguruko bizilagunek, ostalariek eta auzo taldeek, bertako Aldapa tabernako nagusiaren aurkako erasoaren ondoren.

Antonio Perez labanaz zauritu zuten ostatuan bertan, ostegunean, eta herenegun hil zen, Iruñean. Atzo iluntzean biltzarrak egin zuten bertako bizilagunek deituta, Hizkuntz Eskolaren lokaletan, eta egoera aztertu eta hainbat neurriren inguruan eztabaidatu zuten. Bizilagunek azpimarratu zuten eraso hori ez dela bakarria izan.

Lekukoek adierazitakoaren arabera, tabernariak duela zenbait egun egotzi zuen tabernatik drogazale ezagun bat, eta ostegunean kontu eske etorri zitzaion haren bikotea. Eztabaidan erasotzaileak labana atera, eta Perez zauritu zuen. Hasie-



JOXE LACALLE
Andre bat, Aldapa tabernaren aurrean, atzo, lore sorta batekin.

ran zauria oso larria ez zela iruditzen arren, arazoak sortu zitzaizkion tabernariari, eta herenegun hil zen.

Udaltzaingoak larunbat goizean atxilotu zuen J.M.N. 32 urteko gizasemea, lekukoek emandako informazioari esker.

Bizilagunen artean kezka eta kexua

Erasoak sekulako haserredia eragin du Navarrerrian ez ezik

Alde Zahar osoan, inguruko bizilagunen artean gero eta nabariagoa delako kezka eta kexua auzoko egoeraz.

Ingurua droga trafikorako gunea da, eta bizilagunen kritikak udal zerbitzuetara zuzentzen dira batez ere. Ostiralean, erasoaren berri jakin eta berehala, bizilagunek egoera «oso larria» zela ohartarazi zuten. «Auzoa hondatzen ari da Udalaren utzikeria dela eta».

Halaber, dei egin zieten bizilagun, ostalari eta merkatariei denen artean egoera konponetzen saiatzeko, eta zaurituaren familiarekin elkartasuna adierazteko.

Ostiralean bertan biltzarra egin zuten inguruko tabernariak, eta zenbaitek ateak itxi zituzten. Larunbatean eta igandean ere gisa horretako protestaldiak egin zituzten Alde Zaharreko ostatueta.

ERREAKZIOAK

Batasuna eta PSN, plan orokorraren alde

Batasuna eta PSNko gazteek Navarrerria eta Alde Zahar osorako plan orokorra eskatu dute inguru honentzat konponbidea aurkitzeko, eta horretarako Alde Zaharreko Mahaian gaia eztabaidatu behar dela esan dute. Batasuna taldeak kritikatu du egoera hau aspaldikoa dela, eta Alde Zaharreko hainbat inguru «drogen trafikorako eta marjinalitateko gune» bihurtu direla. Talde horren ustetan, konponbidea ez litzateke polizia gehiago jartzeari, «baizik eta Alde Zaharrearen garapen orekatu eta osoa bultzatzea». Horretarako, Alde Zaharreko Mahaia deitzeko eskatu dio Udalari.

Nafarroako Gazte Sozialistak kritikak izan ditu ere Udalerako, Carlos III kaleari, izotz pistari edo Yamaguchirako bidaiei «lehentasuna» emateagatik. PSNko gazteek Alde Zaharreko Mahaia deitu, gazteendako etxebizitzak atera eta Liburutegi Nagusia INAPEko egoitzara eramatea proposatu dute. «Neurri hauen bidez lortuko litzateke Navarrerria gazteentzako bizileku izatea, eta, horrela, bere etorkizuna ere ziurtatuko litzateke».

BAIONA-ANGELU-MIARRITZE. Hiri elkargoaren proiektuak aurkeztu ditu

«Epeak eta aurrekontuak errespetatzeko» engaiamendua hartu du Didier Borotrak

Eneko Bidegain | BAIONA

Didier Borotra Baiona-Angelu-Miarritze hiri elkargoko lehendakariak erakunde honen proiektuen berri eman zuen atzo. «Epeen eta aurrekontuen errespetuari» lehentasuna eman nahi dio. Ur zikinen tratamenduari buruz gertatu diren «lerratzak ez ditu gehiago onartuko». Obrek gutxienez urte baten beranta hartu dutela eta aurrekontuak hasieran pentsatu baino askoz gehiago igo direla salatu zuen.

Unibertsitatearen garapenerako epeen errespetatzea hitzeman zuen. Errobi auzoko proiektuko lanak 2003 bukaran abiatu behar dira. Epeen eta gastuen errespetatzeko «metodo berri bat xutik ezarriko» dute. Kudeatzaile talde ba-

DIDIER BOROTRA

BAM hiri elkargoko lehendakaria

«Jario handiko sarea baitezpadakoa da unibertsitatearen eta ikerketaren garapenarentzat»

tek, obralarien laguntzaile batek, eta ekonomilari batek jarraituko dute dosierra. Unibertsitatearen garapenak «lehentasuna» duela azpimarratu zuen, garapen ekonomikorako baldintza gisa aurkeztuz.

Unibertsitatearen eta ekonomia-aren garapenarekin lotu zuen komunikazio teknologia berrien saila. Jario handiko sarea- ren zutik ezartzearen premia

berretsi zuen. «Tresna baitezpadakoa da unibertsitatearen eta ikerketaren garapenarentzat», adierazi zuen Didier Borotrak.

Ingurumenari dagokionez, ur zikinen tratamenduko lanak aurreratu nahi ditu. Zikinen tratamenduaren aldetik administrazioaren jokaeraz «biziki kexu» agertu zen. Arazo teknikoaren gainetik, udaletako hautetsiek «elgarrekin gogoetatu» behar dutela dio.

Hondakinen erretzeak ere grinak piztuko ditu, Bacheffores-ko zikindegia laster itxi beharra baita. Horren ondotik hautatuko den bidea Ipar Euskal Herriko udal guztiek elgarrekin erabaki behar dutela azpimarratu zuen, «nahiz eta BAMek biztanleen bi herenak biltzen dituen».

IV. ARTI/AVALDIA

GIPVZKOAKO ARTI/AVON AZOKA

ORDIZIA

2001 urriak - octubre 12-13-14

Polideportivo Majori Kiroldedia
Ordutegia - Horario: 10:30etatik 14:30etara - 16:30etatik 20:30etara
www.artisauvaldia.com

Antolatzaileak
Ordiziko Udala

Babeslea
Gipuzkoako Foru Aldundia

Laguntzailea
CAJA LABORAL EUSKADIKO KUTXA